

Preassadieđáhus

SDGB dáiddárstipeandda juolludeapmi jahkái 2022

Sámi Dáiddáriid ja Girječálliid Buhtadusfoanda (SDGB) lea háldenfoanda buhtadussii mii máksojuvvo oktasaš vuoduin sámi govvadáiddáriidda, dáiddaduojáridda ja dáiddalaš govvideaddjiide ja girječálliide. SDGB ruhtada Stáhta girjerájusbuhtadus, čájáhusbuhtadus ja mánjenbuhtadus, ja Sámedikki čájáhusbuhtadus.

Čuovvovaš govvadáiddárat, dáiddaduojárat, ja dáiddalaš govvideaddjit leat ožžon stipeandda jahkái 2022

Bargostipeandda jahkái oažžu Ingunn Utsi guhte áigu joatkit skulptuvrralaš bargguiguin ja dáiddalaččat iskkadit moanaid stuorat guovttedimenšuvnnalaš bargguid.

Vuorrasat dáiddáriid stipeandda 110 000,- ru oažžu Per Andersen guhte lea dáiddalaš garraduojár ja sus lea alla ámmátlaš buvttadeapmi ja lea mielde pedagogalaš oahpahusbargguin duojis.

Vuorrasat dáiddáriid stipeandda 110 000,- ru oažžu Randi Marainen, duojár ja silbarávdi guhte badjel 40 jagi lea bargan árbevieruide oskkáldasat muhto seammás sesolaččat duvdán ovddas dan fágasuorggi mas lea oassin.

Čájáhusstipeandda 40 000,- ru oažžu Geir Tore Holm Kristiansand kunsthallas čájáhussii boazodoalu birra.

Čájáhusstipeandda kr 70 000,- ru oažžu Lena Stenberg čájáhussii Sámi Dáiddaguovddázis, SDG, 2022 čavčča ja johttičájáhussii davvi riikkain.

Mátkestipeandda 42 000,- ru oažžu Andreas Holtung dáiddalaš ovdánanmátkái St. Petersburgii.

Mátkestipeandda 50 000,- ru oažžu Marte Lill Somby resideansaorrumii Fleinvær artist residencys ja fitnat geahčadeamen luondduhámádagaid Nuorta Finnmárkkus.

Mátkestipeandda 27 650 ru oažžu Geir Tore Holm fitnat Setesdalas Kristiansand kunsthall čájáhusprošeavtta oktavuodas.

Mátkestipeandda 23 400 ru oažžu Ingunn Moen Reinsnes dáiddalaš ovdánanmátkái Arkangelskii.

Ávnasstipeandda 41 000 ru oažžu Inga-Wiktoria Påve oastit digitála reaidduid digitála sárgumiidda.

Ávnasstipeandda 48 950 ru oažžu Liisa Helander oastit teknalaš ja digitála reaidduid ja ávdnasiid dáiddabargguide.

Ávnnasstipeandda 30 000 ru oážžu Andreas Holtung oastit ávdnasiid tevdnenprošeavttaide.

Ávnnasstipeandda 27 000 ru oážžu Ingunn Moen Reinsnes oastit dáiddalaš ávdnasiid málemii.

Čuovvovaš čáppagirjjálašvuoda girječállit leat ožžon stipeanda jahkái 2022

Bargostipeandda ovttá jahkái oážžu Fredrik Prost guhte bargá “Lenges hearggi sáhčal fatnasa” girjeprošeavttain. Son lea duddjon goavdáid 2004 rájes ja dan oktavuodas lea son čieknudan fáddái. Son lea čohkken dieđuid goavdáid birra ja lea maiddái jearahallan olbmuid, ja dáid dieđuid áigu dál čohkket girjin. Divttat ja govat girjehámis lea oassi prošeavttaid ja galget čuovvut goavddesčájáhusa.

Prošeaktastipeandda 70 000 ru oážžu Karen Anne Buljo sámegeiel muitalusbottuide oktan luđiin mánáide Pelle Njoammil muitalusa vuodul. Goluide ávdnasiidda ja duddjot bargoreaidduid čájálmasaide: Hábmets Pelle Njoammilii biktasa ja giessá, ja stáložiidda biktasa ja luhkaid maid mánát cogget, ja oastit jietnarusttegiid.

Prošeaktastipeandda 70 000 ru oážžu Sigbjørn Skåden gárvvistit romána maid gohčoda Láŋtdievvá/Planterhaug. Dás áigu govvidit sámi servodaga 1980-logus, maŋŋel Guovdageainnu-Álttá ášši. Romána čalmmustahtá gullevašvuoda ja movt olmmoš, báikki luondu ja kulturhistorjá čadnojit oktii.

Prošeaktastipeandda 70 000 ru oážžu Siri Broch Johansen čállit arvedávgemánáid birra. Son čállá sin birra geat eai dovdda iežaset seammá sohkkabeallin go olbmot jáhkke su, dalle go riegiid.

Mátkestipeandda 27 000 ru oážžu Karen Anne Buljo vahkkosaš mátkái Stockholbmii, ee. Junibacken mánáidpávkii, oážžut inspirašuvnna čállimii.

Ávnnasstipeandda 20 000 ru oážžu Nils Anders Inga oastit dihtora oktan officeprográmmain

Ávnnasstipeandda 46 000 ru oážžu Karen Anne Buljo ávdnasiidda/bargoreaidduide Pelle Njoammil muitalusbottuide ja Ipad Air, mii heive mátkkiin lohkat E-girjiid jna.

Ávnnasstipeandda 20 000 ru oážžu Inger-Mari Aikio oastit dihtora

Ávnnasstipeandda 17 000 ru oážžu Synnøve Persen oastit iMAC 24” ja čálána

Ávnnasstipeandda 12 000 ru oážžu Ellen Anne S. Gaup oastit dihtora ja čálána